

FREQUENTLY ASKED QUESTIONS (FAQ)
PROGRAM KHAS LEPASAN SIJIL PELAJARAN MALAYSIA DALAM NEGARA
(LSPM) TAHUN 2024

1. Apakah itu Program Khas Lulusan Sijil Pelajaran Malaysia Dalam Negara (LSPM) Tahun 2024?

Program Khas LSPM Tahun 2024 merupakan penajaan Jabatan Perkhidmatan Awam (JPA) kepada pelajar cemerlang lepasan SPM yang mendapat keputusan sekurang-kurangnya 9A+ untuk melanjutkan pelajaran di dalam negara.

Calon-calon akan ditawarkan penajaan untuk mengikuti pengajian peringkat Persediaan hingga ke Ijazah Pertama di Universiti Awam (UA), *Government Linked Universities* (GLU) dan Institusi Pengajian Tinggi Swasta (IPTS) dalam negara yang dikenal pasti, tertakluk kepada syarat-syarat yang ditetapkan.

2. SYARAT PENAJAAN

2.1 Syarat Umum

- (i) Warganegara Malaysia;
- (ii) Pemohon disyaratkan bebas daripada penyakit kronik / berjangkit / penyakit yang memerlukan rawatan susulan dan berupaya mengikuti pengajian sehingga tamat, serta disahkan sihat untuk meneruskan pengajian;
- (iii) Ibu/bapa tidak disenarai hitam oleh JPA atau sedang dalam tindakan undang-undang JPA;
- (iv) Tidak menerima bantuan kewangan / tajaan dari mana-mana agensi untuk peringkat atau pengajian yang sama;
- (v) Menduduki peperiksaan **SPM 2023 buat pertama kali** di mana-mana sekolah menengah atau calon-calon persendirian;

- (vi) Umur belum mencapai 19 tahun (atau belum mencapai 20 tahun bagi pelajar peralihan) pada 31 Disember tahun peperiksaan SPM diduduki; dan
- (vii) **Keutamaan diberikan kepada calon daripada latar belakang keluarga dengan kategori pendapatan B40 dan M40.**

2.2 Syarat Khusus

- (i) Pelajar hendaklah **mendapat keputusan SPM sekurang-kurangnya 9A+ dalam mana-mana mata pelajaran tanpa mengambil kira mata pelajaran selebihnya** (sekiranya ada); dan
- (ii) Memulakan pengajian peringkat Persediaan sebelum 31 Disember tahun penawaran semasa.

3. **Jika saya mendapat keputusan 9A+ dan 2A-, bolehkah saya memohon program ini?**

BOLEH kerana saudara/i telah **memenuhi syarat minimum yang ditetapkan** iaitu mendapat **sekurang-kurangnya 9A+ yang diambil semasa SPM tahun 2023.**

4. **Jika saya mendapat keputusan 7A+ dan 2A, bolehkah saya memohon program ini?**

TIDAK BOLEH kerana saudara/i tidak memenuhi **syarat minimum yang ditetapkan** iaitu mendapat **sekurang-kurangnya 9A+ dalam mana-mana mata pelajaran yang diambil semasa SPM tahun 2023.**

5. **Apakah itu *Student Assessment Centre* (SAC)?**

Student Assessment Centre (SAC) merupakan kaedah pemilihan pelajar bagi menyediakan profil interpersonal pelajar dan menyediakan maklumat kumulatif berkenaan kompetensi pelajar bagi memilih pelajar terbaik untuk ditaja JPA.

Penilaian SAC ini adalah untuk melihat keadaan fizikal, penampilan, kesesuaian, kerjasama, ketahanan, kematangan, daya kreativiti, komunikasi, kepimpinan dan minat calon dalam bidang pengajian dan Perkhidmatan Awam.

6. Bilakah Program SAC akan dijalankan?

Program SAC dijadualkan pada 24 hingga 28 Jun 2024 mengikut zon pusat temu duga yang ditetapkan.

7. Bilakah saya boleh mengetahui sama ada saya dipanggil untuk ke Program SAC?

Calon boleh membuat semakan panggilan ke Program SAC mulai **19 Jun 2024, 9.00 pagi** secara dalam talian iaitu <https://bmipenajaan.jpa.gov.my>. Pusat SAC yang perlu dihadiri adalah sebagaimana yang dinyatakan dalam surat panggilan.

8. Apakah dokumen yang perlu saya bawa semasa menghadiri Program SAC?

Dokumen yang perlu dibawa semasa menghadiri SAC akan dimaklumkan melalui surat panggilan SAC bagi calon yang melepasi syarat.

9. Bagaimanakah JPA akan membuat pemakluman berhubung urusan permohonan, panggilan SAC, keputusan dan penawaran Program Khas LSPM Tahun 2024?

Semua urusan berhubung Program Khas LSPM Tahun 2024 iaitu permohonan, panggilan SAC, keputusan dan surat tawaran serta dokumen-dokumen yang berkaitan akan dibuat secara dalam talian di laman web JPA.

Surat-surat/slip-slip pengesahan yang berkenaan hendaklah dimuat turun dan dicetak sendiri oleh calon.

Calon adalah dinasihatkan untuk sentiasa membuat semakan di laman web JPA dari semasa ke semasa bagi mengetahui sebarang maklumat terkini program.

10. Saya mendapat 9A+ dalam peperiksaan SPM 2022. Bolehkah saya memohon?

TIDAK, Program Khas LSPM Tahun 2024 hanya dibuka kepada pelajar lepasan **SPM tahun 2023** sahaja.

11. Adakah saya boleh memohon Ijazah Pertama di Universiti Awam melalui saluran alternatif?

TIDAK BOLEH. Penajaan peringkat Ijazah Pertama di bawah Program Khas LSPM Tahun 2024 hanya dibuka kepada Universiti Awam melalui saluran perdana sahaja (saluran UPU). Yuran pengajian dibayar mengikut kadar yang telah ditetapkan oleh JPA (**saluran alternatif/ terbuka/ *private wing*/ pengajian tanpa subsidi yuran pengajian tidak ditaja**).

12. Apakah jenis Program Persediaan bagi Program Khas Lepas Sijil Pelajaran Malaysia Dalam Negara Tahun 2024?

Pelajar-pelajar akan mengikuti Program Persediaan di dalam negara seperti yang telah ditetapkan oleh Kerajaan seperti berikut:

**SENARAI PROGRAM PERSEDIAAN YANG DITAJA DI BAWAH PROGRAM KHAS
LEPASAN SIJIL PELAJARAN MALAYSIA DALAM NEGARA TAHUN 2024**

BIL.	SENARAI PROGRAM PERSEDIAAN
1.	Sijil Tinggi Pelajaran Malaysia (STPM)
2.	Sijil Tinggi Agama Malaysia (STAM)
3.	Matrikulasi Kementerian Pelajaran Malaysia (KPM)
4.	Asasi Universiti Awam (UA) Contoh: Asasi UIAM; Asasi Sains UM; Asasi UNIMAS; Asasi UMS; Asasi UniSZA; Asasi Pengajian Islam UM; Tamhidi USIM; Asasi UKM dan lain-lain.
5.	Program ASASIpintar, Pusat PERMATApintar Negara
6.	Program Persediaan di International Islamic School Malaysia (IISM)
7.	<i>Foundation IPTS*</i> Contoh: i. Foundation Programme ii. A-Level iii. International Baccalaureate (IB) Diploma Programme iv. Australian Matriculation (AUSMAT)

13. Apakah bidang pengajian dan universiti yang ditawarkan?

**SENARAI UNIVERSITI DAN BIDANG PENAJAAN DI BAWAH PROGRAM KHAS
LEPASAN SIJIL PELAJARAN MALAYSIA DALAM NEGARA TAHUN 2024**

INSTITUSI PENGAJIAN TINGGI		BIDANG PENGAJIAN
Universiti Awam (UA)	<ol style="list-style-type: none"> 1. Universiti Malaya (UM) 2. Universiti Kebangsaan Malaysia (UKM) 3. Universiti Putra Malaysia (UPM) 4. Universiti Teknologi Malaysia (UTM) 5. Universiti Sains Malaysia (USM) 6. Universiti Malaysia Pahang Al-Sultan Abdullah (UMPSA) 7. Universiti Utara Malaysia (UUM) 8. Universiti Islam Antarabangsa Malaysia (UIAM) 9. Universiti Teknologi MARA (UiTM) 10. Universiti Malaysia Sarawak (UNIMAS) 11. Universiti Sains Islam Malaysia (USIM) 12. Universiti Malaysia Perlis (UniMAP) 13. Universiti Pertahanan Nasional Malaysia (UPNM) 14. Universiti Malaysia Terengganu (UMT) 15. Universiti Tun Hussein Onn Malaysia (UTHM) 16. Universiti Teknikal Malaysia Melaka (UTeM) 17. Universiti Pendidikan Sultan Idris (UPSI) 18. Universiti Malaysia Sabah (UMS) 19. Universiti Malaysia Kelantan (UMK) 20. Universiti Sultan Zainal Abidin (UniSZA) 	Semua bidang KECUALI Pendidikan, Penerbangan, Kejururawatan, Separa Perubatan, Kursus Profesional, Program Berkembar.
Institusi Pengajian Tinggi Swasta (IPTS)	<ol style="list-style-type: none"> 1. International Medical University (IMU) 2. UCSI University 3. Taylor's University 4. Sunway University 	Perubatan
	<ol style="list-style-type: none"> 1. International Medical University (IMU) 2. UCSI University 3. Taylor's University 	Farmasi
	<ol style="list-style-type: none"> 1. UTM - Malaysia Japan International Institute of Technology (MJIT) 2. Universiti Teknologi PETRONAS (UTP) 3. Universiti Tenaga Nasional (UNITEN) 4. Multimedia University (MMU) 5. Universiti Kuala Lumpur (UniKL) 6. Taylor's University 7. UCSI University 	Kejuruteraan

INSTITUSI PENGAJIAN TINGGI		BIDANG PENGAJIAN
Institusi Pengajian Tinggi Swasta (IPTS)	<ol style="list-style-type: none"> 1. Taylor's University 2. UCSI University 	Seni bina (Bahagian I sahaja)
	<ol style="list-style-type: none"> 1. Universiti Teknologi PETRONAS (UTP) 2. Universiti Tenaga Nasional (UNITEN) 3. Universiti Kuala Lumpur (UniKL) 4. UCSI University 5. Multimedia University (MMU) 6. Management and Science University (MSU) 7. Taylor's University 8. Asia Pacific University of Technology & Innovation (APU) 9. Sunway University 10. INTI International University 	Sains dan Teknologi & Sains Sosial

14. Bolehkah calon memilih bidang pengajian?

BOLEH. Calon-calun hanya dibenarkan memilih **satu (1) bidang yang ditawarkan sahaja** bergantung kepada minat dan kecenderungan calon.

15. Adakah calon dibenarkan untuk mengikuti Program Persediaan secara persendirian di Pusat Persediaan yang berasingan?

Pemohon tidak dibenarkan untuk mengikuti program persediaan dengan pembiayaan sendiri di pusat persediaan yang berasingan. Sekiranya berbuat demikian, pemohon **tidak akan ditawarkan** penajaan di Peringkat Ijazah Pertama di bawah program ini.

16. Sekiranya saya tidak memohon Program Khas Lepas Sijil Pelajaran Malaysia Dalam Negara Tahun 2024, adakah saya layak dipertimbangkan sebarang penajaan lain di JPA?

Pelajar boleh memohon apa-apa program penajaan lain yang ditawarkan oleh JPA sekiranya berminat dan melepasi syarat-syarat permohonan penajaan.

- 17. Berapakah Elaun Sara Hidup yang akan saya terima semasa di peringkat persediaan?**

Elaun Sara Hidup yang akan diterima adalah sebanyak **RM530.00 sebulan** (jika kemudahan penginapan sahaja disediakan).

Elaun Saku sebanyak **RM200.00 sebulan** (jika kemudahan penginapan dan makanan sahaja disediakan).

- 18. Adakah Program SAC dilaksanakan di luar negara bagi calon-calon yang mengikuti program pertukaran pelajar?**

TIDAK. Program SAC hanya dilaksanakan di **dalam negara sahaja**.

- 19. Sekiranya saya tidak dipanggil ke Program SAC, adakah saya boleh membuat rayuan?**

TIDAK. Hanya calon yang melepasi syarat sahaja akan dipanggil ke Program SAC.

- 20. Setelah saya mendapat tawaran penajaan JPA, bolehkah saya memohon pinjaman tambahan daripada penaja lain seperti PTPTN?**

TIDAK. Pelajar hanya **dibenarkan** untuk menerima **satu tajaan sahaja**.

- 21. Bolehkah saya memohon menggunakan keputusan semakan semula SPM?**

Pelajar boleh memohon program penajaan **sepanjang tempoh permohonan dibuka** sahaja. Permohonan selepas tarikh tutup adalah tidak diproses.

22. Tarikh Tutup Permohonan

Tarikh tutup permohonan ialah pada 9 Jun 2024 (Ahad), 5.00 petang. Permohonan yang diterima selepas tarikh tersebut tidak akan diproses.

23. Keputusan Permohonan

Keputusan permohonan penajaan dijangka akan diumumkan melalui laman sesawang <https://bmipenajaan.jpa.gov.my> pada **25 Julai 2024 (Khamis), 12.00 tengah hari.**

Pelajar yang tidak menerima sebarang notifikasi dalam tempoh 90 hari selepas tarikh tutup permohonan adalah dianggap **tidak berjaya.**

*Dikemas kini pada 21 Mei 2024